



## Aningaasanut Nunanullu Allanut Naalakkersuisoq

### Aningaasaqarnermut Ataatsimiititaliap suliaq nr. 01.31.06/06-00219 pillugu pingasunngornermi ulloq 13. december 2006-imi aalajangiinera pillugu Naalakkersuisut ilisimatitsineq.

(Naalakkersuisunut siulittaasuugallartup ulloq 5. december 2006-imi aalajangiinerani imm. 1)

#### Allaffiit illutaannik attartornermut isumaqatigiissutit kiisalu pisineq

##### Naalakkersuisut inassutigaat,

- Naalakkersuisut Arctic Umiaq Line-p B 1615, Aqqusinersuaq 48, 2. sal, 3900 Nuummi allaffigisimasaanik pisinissamut neqeroorummik akuersinissaat Inatsisartut Aningaasaqarnermut Ataatsimiititaliaata akuersissutigissagaat, tamatumanilu kommunip ininik allaffittut atuisinnaanermut akuersissuteqarnissaa apeqqutaatinneqassasoq,
- kontomut pingaarnermut 20.11.50-imut, Ingerlatsineranut sillimmatinut tunngasumut, aningaasaliissutit -8.565.000 kroninik ikilineqassasut,
- kontomut pingaarnermut 70.10.04-mut, Namminersornerullutik Oqartussat illuutaannik aserfallatsaaliuineranut tunngasumut, aningaasaliissutit 2.765.000 kroninik amerlineqassasut,
- kontomut pingaarnermut 80.00.01-imut, nuussinissanut sillimmatinut tunngasumut, aningaasaliissutit -4.000.000 kroninik ikilineqassasut,
- kontomut pingaarnermut 70.10.04-mut, Namminersornerullutik Oqartussat illuutaannik aserfallatsaaliuineranut tunngasumut, aningaasaliissutit 2.765.000 kroninik amerlineqassasut,
- kontomut pingaarnermut 87.70.02-mut, allaffinnik pisinermut tunngasumut, aningaasaliissutit suliassaq nr. 060.10.044-mut, Nuummi B 1615-ip pisiarineranut tunngasumut, atugassatut 14.800.000 kroninik amerlineqassasut,
- kontomi pingaarnermi 87.72.23-mi, inissialiortiternermut tapersiissuteqartarnermi iluarsaassinermut tapiissutinut tunngasumi, suliassaq nr. 996.37.050-imut, 2006-imi inissialiortiternermut tapersiissuteqartarnermi iluarsaassinermut tapiissutinut tunngasumut, aningaasaliissutit -1.500.000 kroninik ikilineqassasut,

- kontomi pingaarnermi 89.72.21-mi, inissialiortiternermut tapersiissuteqartarnermi iluarsaassinermut tapiissutinut tunngasumi, suliassaq nr. 996.37.050-imut, 2006-imi inissialiortiternermut tapersiissuteqartarnermi taarsigassarsiaritanut tunngasumut, aningaasaliissutit -3.500.000 kroninik ikilineqassasut.

### **Aningaasaqarnermut Ataatsimiititaliap oqaaseqaatai**

Arctic Umiaq Linep Nuummi allaffigisimasaata pisinineqarnissaannut Aningaasaqarnermut Ataatsimiititaliamit taperserineqarnissaq Naalakkersuisut suliame matumani qinnutigaat. Attartormik isumaqatigiissutip atuuttup atorunnaarnera ilutigalugu Namminersornerullutik Oqartussat allaffeqarfiisa ilaattut allaffiit atorneqarnissaat naatsorsuutigineqarpoq.

Aningaasaqarnermut Ataatsimiititaliap suliame inaarutaasumik isummernissaa sioqqullugu apeqqutit uku akissuteqarfigineqarnissaat ataatsimiititaliap kissaatigaa:

1. B-1615-imi igalaat pitsaassusiat pillugu Naalakkersuisut qanoq paasissutissiisnaappat? Igalaat pissusissarinnigisaattut ikkussuunneqarsimanerannik allatigulluunniit kukkusumik suliarineqarsimanerannik, taamaalillunilu umiarsualivimmi sullittut nipiliornerat nipituupilussuarmik tusaaneqarsinnaanerannik ataatsimiititaliap paasissutissinneqarnera tunngavigalugu ataatsimiititaliap apeqquteqarpoq.
  - a. Tassunga ilanngullugu ajornartorsiutip iluarsiivigineqarnissaani aningaasartuutaajunnartut ilanngullugit paasissutissiissutigineqassasut kissaatigineqarpoq.
  - b. Kiisalu ajornartorsiut aaqiivigineqanngippat illumi sulinerme avatangiisit paasissutissiissutigineqarnissaat kissaatigineqarpoq.
  - c. Illup ataatsimut isigalugu pitsaassusia pillugu Naalakkersuisut qanoq paasissutissiissuteqarsinnaappat? Tassunga ilanngullugu ukioq sananeqarfia iluarsaassinissamullu pisariaqartitsineq paasissutissiissutigineqassasut kissaatigineqarpoq.
2. B-1615-ip pisortat allaffeqarfiattut, atuuffini aqutigalugu innuttaasunit qanimut attaveqarfiusartutut atussallugu Naalakkersuisut naapertuuttuosoraat? Tamatumani ilaatigut umiarsualiviup ukiumi arlalinni suli annertuumik angallaffiunissaa ilaatigullu isumannaallisaanermik pissuteqartumik umiarsualiveqarfiup kikkunnilluunniit isaffigineqarsinnaanerannik mattussinissap arlaleriarluni isumaliutigineqarsimannera eqqarsaatigalugu.
3. 14,5 mio.-inik akilerlugu pisineq kvadratmeterimut 9.300 kr.-it missaannik akeqartitsinerup naligaa. Nuummi allaffeqarfiit assersuunneqarsinnaasut qanoq ullumikkut akeqartinneqartarpat?
4. Allagaatit suut illutamut atasumik quersuarmi, paasissutissiissutigineqartut naapertorlugit 582 kvadratmeteriusumi, toqqortaatigineqartussatut naatsorsuutigineqarpat?
5. Pisinermut atatillugu fiberinik kabililersuinissamut 270.000 kr.-inik aningaasartuuteqarnissaq naatsorsuutigineqarpoq. Kabilit pioreersut nutaanik kabililersuinissamut taarsiullugu atorneqarsinnaanersut Naalakkersuisut misissorsimavaat?
6. Ininik pequtsersuinissamut aningaasartuuteqarnissaq naatsorsuutigineqarpoq, ilaatigut saagunut 90.000 kr.-it. Pequtsersuinissamut tassunga Landskarsip annertuallaamik aningaasartuuteqannginnissaa qulakkeerniarlugu pilersuisunit allanit neqeroorutinik Naalakkersuisut pissarsiniarsimappat?
7. B-1615 pigisat nalillit allat ilanngullugit ATG-mit ulloq 1. april 2006-imi tiguneqartussanngorlugu Arctic Umiaq Linemit (AUL) tunineqarpoq. Tunisinerme

tamakkiisumik akigitinneqartoq 65 mio. kr.-iuvoq. Aningaasani taakkunani B-1615-ip saniatigut ilaatinneqarput angallatit 4-t, pigisat aalaakkaasut sulisunullu inissiat arlallit, biilit arlallit, pigisat nuunneqarsinnaasut atuinissamullu piginnaatitaaffiit. Taamani B-1615 14,5 mio. kr.-inik aamma nalilerneqarsimassasoq naatsorsuutigigaanni AUL-ip pigisaata sinneri 50,5 mio. kr.-it missaannik naleqartillugit tunineqarsimassapput. Tamanna eqqarsaatigalugu taamani tunisineq pisortat pigisatut pisuussutaannik akisussaassuseqartumik ungasissumullu isigisumik aqutsinertut Naalakkersuisut isigaa?

- a. Siusinnerusukkut tunisinnermut siuliani taaneqartumut tunngatillugu AUL-imut/Namminersornerullutik Oqartussanut akileeqqusissutunik pisussaaffigileratarsinnaasanilluunniit peqarpa?
8. B-1615-imik RAL'ip sallerisaalluni pisarinninnissamut piginnaatitaaneranut apeqqut qaqugu qanorlu paasinarsissava?
9. B-1615-imik pisinnermut atatillugu Namminersornerullutik Oqartussat allaffeqarfiisa ilaasa assiginnigitsut nuunneqarnissaat pillugu aaqqiissutissatut siunnersuutigineqartukkut Ilaqutariinnermut Pisortaqarfiup ataatsimoortunngornissaanik pisariaqartitsineq qanoq qulakkeerinniffigineqarpa?
10. Namminersornerullutik Oqartussat qitiusumik allaffeqarfiata ungasinnerusoq isigalugu ininik ataatsimut isigalugu pisariaqartitsinissaa pillugu misissueqqissaarnerit qanoq ittit Naalakkersuisunit suliarineqarsimappat aammalu pinissamik siunnersuut misissueqqissaarneri taakkunani kaammattuutitut qanoq naapertuuppa?
  - a. Tassunga ilanngullugu Naalakkersuisut B-1615-ip pisiarinissaanik kissaateqarnerat misissueqqissaarnerit taakkuninnga tunngaveqarnerasoq paasissutissiissutigineqassasoq kissaatigineqarpoq.

Qinnuteqaammik matumani pineqartumik naammassinninnissaq siunertarerpiarlugu Aningaasaqarnermut Ataatsimiititaliaq ulloq 22. december 2006, nal. 10 immikkut itumik ataatsimiissaaq. Taamaattumillu apeqqutitut siuliani allassimasunut Naalakkersuisut akissuteqaataat kalaallisut danskisut kiisalu qarasaasiakkut kingusinnerpaamik ulloq 20. december, nal. 10.00 ukununga nassiuunneqarnissaat qinnutigineqarpoq: [dje@gh.gl](mailto:dje@gh.gl) aamma [nch@gh.gl](mailto:nch@gh.gl).

**Aningaasaqarnermut Ataatsimiititaliap aalajangiinera**

Oqaaseqaatit siuliani allassimasut innersuussutigalugit Naalakkersuisut inassuteqaataannut isummernissaq Aningaasaqarnermut Ataatsimiititaliamit **kinguartinneqarpoq.**

Inussiarnersumik inulluaqqusillunga

  
Ellen Christoffersen

Aningaasaqarnermut Ataatsimiititaliap siulittaasua